

Na osnovu čl. 10. i 12. Zakona o udruženjima i fondacijama Bosne i Hercegovine, ("Službeni glasnik BiH", br. 32/01, 42/03, 63/08, 76/11 i 94/16), Osnivačka Skupština Saveza sportsko plesnih klubova u Bosni i Hercegovini", na sjednici održanoj 03.01.2017. godine u Vitezu, donijela je

S T A T U T

Saveza sportsko plesnih klubova u Bosni i Hercegovini

Opšte odredbe

Član 1.

Savez sportsko plesnih klubova u Bosni i Hercegovini"je osnovan Odlukom o osnivanju donesenoj na sjednici Osnivačke Skupštine Saveza sportsko plesnih klubova u Bosni i Hercegovini"" (u daljem tekstu: Savez), dana 03.01.2017. godine u Vitezu, u skladu sa Zakonom o udruženjima i fondacijama Bosne i Hercegovine (u daljem tekstu:Zakon).

Član 2.

U skladu sa članom 12. Zakona ovim statutom propisuje se sljedeće:

- puni i skraćeni naziv, sjedište i adresa Saveza;
- ciljevi i djelatnosti,
- postupak za primanje i isključivanje članova;
- organi Saveza, postupak i način na koji se biraju, ovlaštenja koja imaju,kvorum i pravila glasanja, trajanje mandata, lice ovlašteno da sazove skupštinu, uslovi i način raspuštanja odnosno prestanka rada;
- postupak za izmjene i dopune statuta , ovlaštenja i donošenje drugih općih akata Saveza;
- javnost rada;
- pravila za ostvarivanje, korištenje i raspolaganje sredstvima Saveza, kao i organ koji je ovlašten za nadzor nad korištenjem tih sredstava;
- podnošenje izvještaja o finansijskom poslovanju i radu Saveza;
- opis oblika i sadržaj pečata i znaka Saveza;
- zastupanje Saveza;
- uslovi i postupak spajanja, podjele odnosno prestanak rada Saveza, uključujući bilo kakav poseban kvorum ili pravila kvalifikovane većine i postupak glasanja,
- postupak za raspolaganje preostalim imovinom ili drugim sredstvima, u slučaju raspuštanja ili prestanka rada Saveza
- ostala pitanja u vezi rada i djelovanja Saveza u skladu sa Zakonom i ovim statutom.

II NAZIV, SJEDIŠTE I PODRUČJE DJELOVANJA

Član 3

Puni naziv Saveza glasi:

Savez sportsko plesnih klubova u Bosni i Hercegovini

Савез спортско плесних клубова у Босни и Херцеговини

Savez športsko plesnih klubova u Bosni i Hercegovini

Skraćeni naziv Saveza glasi:

SSPK u BiH

ССПК у БиХ

SŠPK u BiH

Naziv Saveza je istovjetan na sva tri jezika koji su u upotrebi u Bosni i Hercegovini.

Službena upotreba naziva je na latiničnom i ćirilichnom pismu.

Član 4

Sjedište Saveza je u Banja Luci u Ulici Branka Popovića 56

Član 5

Savez je nevladina neprofitna organizacija koja nema namjeru sticati profit.

Savez djeluje na teritoriji Bosne i Hercegovine.

Član 6.

Savez može promijeniti naziv i sjedište, o čemu odluku donosi Skupština Saveza u skladu sa zakonom i ovim statutom.

Član 7.

Savez stiče svojstvo pravnog lica sa pravima, obavezama i odgovornostima danom upisa u Registar kod nadležnog ministarstva.

III OBLIK SADRŽAJA PEČATA I ZNAKA SAVEZA

Član 8.

Pečat Saveza je okruglog oblika prečnika 30 mm u kojem je po obodu ravnomjerno ispisan tekst punog naziva Saveza na latiničnom pismu i to: Savez Sportsko plesnih klubova u Bosni i Hercegovini", a u sredini pečata se nalazi stilizirani plesni par i sjedište Saveza: Banja Luka

Član 9.

Savez može imati više pečata, s tim što svaki mora biti numerisan brojevima. O čuvanju i upotrebi pečata stara se Predsjednik Saveza

Član 10.

Savez može imati svoj znak, za čije usvajanje je nadležna Skupština Saveza

IV CILJEVI I DJELATNOSTI SAVEZA

Član 11.

Ciljevi i djelatnosti Saveza su:

1. planiranje, organizovanje i rad na omasovljavanju i razvijanju plesne kulture, sportskog plesa i plesne rekreacije stručnog usavršavanja voditelja, trenera i sudija u plesu.
2. rad na izradi programa aktivnosti u plesnoj kulturi, sportskom plesu i plesnoj rekreaciji,
3. podrška koordinaciji u organizovanju i provođenju domaćih i međunarodnih takmičenja u plesu i saradnji sa međunarodnim plesnim organizacijama
4. njegovanje fair-play-a i pomoć efikasnim rješavanjem eventualnih sporova među svojim članovima
5. utvrđivanje sistema obrazovanja stručnih voditelja, trenera i sudija u plesu, a članova Saveza
6. podsticanje otvaranja plesno sportskih organizacija na nivou BiH-a
7. Izdavanje publikovanja u svrhu ostvarivanja djelatnosti Saveza u skladu sa zakonom

Član 12.

Savez može obavljati privredne djelatnosti koje su neposredno povezane sa ciljevima Saveza iz člana 11. ovog statuta.

Savez može, za djelatnosti koje nisu neposredno povezane sa ciljevima Udruženja iz navedenog člana osnovati posebno pravno lice u skladu sa članom 4. Zakona.

V ČLANSTVO U SAVEZU

Član 13.

Osnivači Saveza su ujedno i članovi Saveza koji svojstvo člana stiču danom upisa u Registar udruženja.

Članovi Saveza mogu biti plesni klubovi sa područja Bosne i Hercegovine, kao i drugi regionalni i entitetski savezi a koji prihvate Statut ciljeve i djelatnosti Udruženja.
Članovi u radu Saveza učestvuju preko svojih delegiranih predstavnika.

Član 14.

O prijemu u članstvo odlučuje Upravni odbor Saveza.

Članovi Saveza mogu biti:

- Stalni članovi
- Pridruženi članovi

Član 15.

Stalni članovi su plesni klubovi iz člana 13. ovog Statuta, a koja su stekla svojstvo člana Saveza. Pridruženi član može biti svaki plesni klub, regionalni ili entitetski Savez sa područja Bosne i Hercegovine a koji djeluje u skladu sa ciljevima iz člana 11 ovog Statuta. Pridruženi član postaje se tako što:

- (1) Član UO zadužen za stručne poslove prima zahtjev za prijem u članstvo zainteresovanog plesnog kluba, regionalnog ili entitetskog Saveza
- (2) Kandidati za prijem u članstvo podnose pismeni zahtjev;
- (3) Zahtjev sadrži i izjavu u kojoj podnositelj zahtjeva prihvata da će: se pridržavati Statuta, pravilnika i odluka Saveza ;
- (4) Kandidati koji podnose zahtjev za prijem u članstvo trebaju priložiti dosije sa detaljima o njihovoj organizaciji (opšte podatke o plesnoj organizaciji, izvod iz registracije udruženja, koju izdaje nadležni organ, sastav stručnog tima koji radi, broj članova, plesne stilove plesne organizacije itd).
- (5) Odluku o prijemu plesno sportske organizacije sa statusom pridruženog člana, donosi Upravni odbor Saveza, u roku od najviše 30 dana od dana prijema zahtjeva.
- (6) Privremeno članstvo traje najduže godinu (365) dana od dana prijema

Punopravni član postaje se tako što:

1. Skupština Saveza na redovnoj sjednici razmatra da li je djelovanje pridružene članice u skladu sa članom 11 ovog statuta

Udruženje vodi spisak svojih članova.

Savez vodi spisak svih svojih članova i evidenciju svih članova Saveza u elektronskoj formi i sadrži:

- naziv člana Saveza sa adresom sjedišta;
- datum pristupanja;
- vrstu članstva, i
- prestanak članstva.

Spisak svih članova Saveza će biti dostupan na web stranici Saveza.

Prestanak članstva

Član 16.

Članstvo u Savezu prestaje:

1. Na zahtjev člana, potpisivanjem izjave o istupanju iz Saveza.
2. Isključenjem u slučaju djelovanja u suprotnosti sa ciljevima i statuta Saveza.
3. Prestankom svojstva pravnog lica

Član 17.

Svaki član Saveza može slobodno istupiti iz članstva

Sa odlukom člana Saveza o istupanju iz članstva, upoznaje se predsjednik Saveza, nakon čega se vrši evidentiranje istupanja.

Član 18.

Isključenje iz članstva se vrši u slučaju kada član Saveza teže povrijedi odredbe ovog Statuta ili drugih pravila Saveza ili ako djeluje protivno ciljevima i interesima Saveza.

Odluku o prestanku svojstva člana Saveza donosi Upravni odbor Saveza.

Lice koje je nezadovoljno odlukom iz prethodnog stava, može podnijeti žalbu Skupštini Saveza u roku od 15 dana od dana prijema odluke.

Skupština razmatra žalbu iz prethodnog stava na prvoj narednoj sjednici i na istoj donosi konačnu odluku.

VI PRAVA, DUŽNOSTI I ODGOVORNOSTI ČLANOVA SAVEZA

Član 19.

Prava članova Saveza su:

1. da biraju organe Saveza i da u njih budu birani,
2. da daju prijedloge, mišljenja i sugestije,
3. da prate rad Saveza i pokreću inicijative za rješavanje pitanja od interesa za Savez,
4. da budu redovno informisani o radu i rezultatima rada,
5. da u zaštiti svojih prava koriste pomoć Saveza

Član 20.

Dužnosti članova Saveza su:

1. da učestvuju u aktivnostima Saveza,
2. da savjesno i odgovorno izvršavaju povjerene poslove i zadatke u vezi sa radom i aktivnostima Saveza,

3. članovi se obavezuju da će usko sarađivati sa Savezom u cilju organizovanja, omasovljavanja i razvijanja plesne kulture, sportskog plesa i plesne rekreacije kao i na organizaciji takmičenja i festivala posebno onih koje organizuju klubovi osnivači Saveza te da svojim učešćem podrže iste.
4. da propagiraju djelatnost Saveza, a posebno značaj njenih programskih ciljeva,
5. da redovno izvršavaju preuzete obaveze prema Savezu i provode odluke, stavove i zaključke organa Saveza.
6. da uredno i na vrijeme izmiruju članarinu i ostale obaveze prema Savezu.
7. da se pridržavaju odredaba ovog Statuta Članovi moraju poštovati principe lojalnosti, integriteta, sportskog duha i fair-play-a.
8. članovi Saveza garantuju da će njihovi članovi i sužbena lica poštovati Statut i pravilnike Saveza .
9. članovi se obavezuju da će izbjeći svaku diskriminaciju po političkom, spolnom, vjerskom, nacionalnom ili rasnom osnovu. Radi toga, oni se obavezuju da će izbjegavati formiranje ili podsticanje interesnih grupa, koje prejudiciraju ili bi mogle prejudicirati jedinstvo plesa.
10. članovi se obavezuju da će poštovati i unapređivati interes i cjelovitost Saveza

Član 21.

Oblici odgovornosti članova će se definisati Pravilnikom o disciplinskoj odgovornosti kojeg donosi Upravni odbor Saveza.

Svaki član Saveza može pokrenuti postupak pred nadležnim sudom za utvrđivanje ništavosti općeg akta Saveza koji je donijet suprotno odredbama Statuta ili drugog općeg akta Saveza, a najkasnije u roku od šest mjeseci od dana donošenja tog akta.

VII ORGANI SAVEZA, NAČIN NA KOJI SE BIRAJU, OVLAŠTENJA KOJA IMAJU; KVORUM I PRAVILA GLASANJA, TRAJANJE MANDATA, LICE OVLAŠTENENO DA SAZOVE SKUPŠTINU, USLOVE I NAČIN RASPUŠTANJA, ODNOSNO PRESTANAK RADA

Član 22.

Organi udruženja su:

1. Skupština Saveza;
2. Upravni odbor Saveza;
3. Predsjednik Saveza.

Skupština je najviši organ Saveza, koju čine osnivači Saveza s jednakim pravom glasa. Radom Skupštine rukovodi Predsjednik Skupštine, kojeg bira i razrješava Skupština.

Mandat Predsjednika Skupštine traje 4 (četiri) godine sa mogućnosti reizbora Delegati Skupštine su ;

- a) delegati iz reda osnivača jedan (1) delegat
- b) delegati iz sekcija Saveza po tri (3) delegata.
- c) Ukupan broj delegata je: 21
- d) Ukoliko neki delegat ne dođe na sjednicu Skupštine, njega ne može zamijeniti niti predstavljati neki drugi delegat.
- e) U slučaju trajne spriječenosti delegata da obavlja funkciju delegata, osnivač ili sekcija imenuje drugog delegata.
- f) Delegat Skupštine mora imati najmanje 18 (osamnaest) godina života

Član 23.

Skupština Saveza može zasijedati kao:

- (1) redovna
- (2) vanredna

Redovna Skupština zasjeda jedanput godišnje , najkasnije u roku od tri mjeseca po isteku fiskalne godine.

Član 24.

Redovna skupština se sastaje jednom u toku kalendarske godine i ima za cilj kontrolu rada putem razmatranja godišnjeg izvještaja o radu Saveza.

Vanredna Skupština saziva se izuzetno, u slučaju nepredviđenih teškoća u radu, poremećaja međuljudskih odnosa u organizaciji ili drugih okolnosti kada je ugrožen rad i vitalni interesi Saveza.

Način rada Skupštine pobliže se utvrđuje Poslovníkom o radu Skupštine

Član 25

Skupštinu saziva predsjednik Skupštine najkasnije 15 dana prije njenog održavanja.

- (1) Predsjednik Skupštine je dužan sazvati Skupštinu u slučaju kada to zahtjeva najmanje 1/3 članova Skupštine ili kada to zatraži Predsjednik Saveza ili Upravni odbor Saveza ili 3 sekcije Saveza..
- (2) Upravni odbor Saveza utvrđuju dnevni red sjednice.

- (3) Poziv za održavanje Skupštine upućuje Predsjednik Skupštine. Prijedlog dnevnog reda, vrijeme i mjestom održavanja i potrebni materijali, dostavljaju se delegatima Skupštine, članovima Upravnog odbora i plesnim organizacijama najkasnije u roku od 30 dana od dana održavanja Skupštine
- (4) Delegati skupštine mogu dostaviti prijedlog za izmjenu dnevnog reda najkasnije 15 dana prije održavanja skupštine. Prijedlozi za izmjenu i dopunu dnevnog reda sa obrazloženjem i eventualnim pisanim materijalima dostavljaju se Upravnom odboru Saveza
- (5) Prijedlozi kandidata za članove Upravnog odbora odnosno funkcije Predsjednika i Potpredsjednika, moraju biti pismenim putem dostavljeni Upravnom odboru najkasnije 10 dana prije održavanja Skupštine.
- (6) Skupština raspravlja i usvaja dnevni red po vremenu, odnosno prioritetu dostavljanja, što znači da ako je prethodni prijedlog dobio većinu, o narednim prijedlozima se ne odlučuje.

Član 26.

Radom sjednice Skupštine rukovodi Predsjednik Skupštine.

Skupština bira zapisničara na početku rada sjednice koji vodi zapisnik.

Zapisnik mora da odražava bitan tok rada i suštinu svih odluka i stavova.

Predsjednik Skupštine se:

- Stara o organizovanju Skupštine i saziva njene sjednice,
- Predlaže dnevni red sjednice.
- Predsjedava sjednicama Skupštine,
- Potpisuje akte donesene na Skupštini,
- Stara se o izvršenju odluka, zaključaka i drugih akata Skupštine, i
- Vrš i druge poslove koje mu odredi Skupština u skladu sa Zakonom i ovim statutom.

Član 27.

- (1) Plesni klubovi, osnivači Saveza i sekcije Saveza dostavljaju Upravnom odboru zaduženo prijavu delegata za najavljenju Skupštinu.
- (2) Mandat delegata traje dok traje članstvo u Savezu ili do zamjene delegata od strane osnivača ili plesnih sekcija
- (3) Skupština zasjeda pravovaljano i ima kvorum ako je prisutno 51 % delegata
- (4) U slučaju da nije postignut kvorum, skupština zasjeda po istom dnevnom redu u roku od najmanje 15 (petnaest) dana od prvobitno zakazane sjednice.
- (5) U trećem sazivu skupština zasjeda pravovaljano i ima kvorum proste većine prisutnih. Predsjednik Skupštine mora iznova pismenim putem pozvati delegate Skupštine

Član 28.

Skupština u svojoj nadležnosti donosi:

- statut Saveza, njegove izmjene i dopune i druga opća akta određena Statutom,
- odlučuje o spajanju, podjeli i prestanku rada Saveza, kao i o drugim statusnim promjenama Saveza,
- donosi poslovnik o radu Skupštine,
- bira i razrješava predsjednika Skupštine, članove Upravnog odbora Saveza, predsjednika Saveza
- Usvaja dnevni red Skupštine
- usvaja godišnji program i plan rada Saveza
- verificuje delegate Skupštine i bira dva delegata kao ovjerivače zapisnika
- bira i razrješava predsjednika i potpredsjednika Skupštine
- usvaja Poslovnik o radu Skupštine kao i izmjene i dopune Poslovnika
- usvaja finansijski plan i plan prihoda i rashoda
- usvaja izvještaj o radu koji je pripremio Upravni odbor Saveza i komisije Saveza
- odlučuje o visini i načinu plaćanja članarine i ostalih obaveza članova,
- bira i razrješava lica ovlaštena za zastupanje Saveza,
- usvaja završni račun,
- daje autentično tumačenje ovoga Statuta,
- djeluje kao drugostepeno tijelo u žalbenom postupku,
- donosi odluku o prestanku rada Saveza,
- razmatra i usvaja izvještaje o radu Saveza koje podnosi Upravni odbor Saveza.
- bira i razrješava predsjednike i članove komisija,
- odlučuje o proglašenju počasnih članova Saveza
- usvaja strukturu takmičenja
- donosi odluke o udruživanju u međunarodne organizacije i druge institucije, saveze, udruženja, te imenuje svoje predstavnike u iste
- bira, po potrebi, radna tijela Skupštine (Odbor za glasanje, Komisija za verifikaciju)
- usvaja pravilnik o poslovanju,
- usvaja zapisnik sa prethodno održane sjednice Skupštine
- druge poslove koji nisu stavljeni u nadležnost drugih organa Saveza

Član 29.

(1) Odluke skupštine su pravovaljane kada za njih glasa najmanje 2/3 delegata (u ovoj većini mora biti izražena i 2/3 saglasnost osnivača), a vezano za slijedeće :

- a) usvajanje Statuta
- b) izmjene i dopune Statuta
- c) usvajanje Poslovnika o radu skupštine
- d) usvajanje dnevnog reda skupštine
- e) izbori rukovodnih funkcija
- f) usvajanje sistema takmičenja
- g) usvajanje izvještaja o finansijskom poslovanju
- h) usvajanje finansijskog plana – donošenje budžeta

i) isključenje člana

- (1) Ostale odluke donose se natpolovičnom većinom glasova od ukupnog broja delegata Skupštine.
- (2) Kada skupština zasjeda u trećem sazivanju, prema članu 27. -stav 5. ovog Statuta, odluke se donose prostom većinom prisutnih.
- (3) Odluke donesene na Skupštini sprovode se odmah, osim ako Skupština ne odluči drugačije.
- (1) Pravo na VETO (u radu svih tijela i organa unutar saveza) imaju plesni klubovi osnivači, u slučaju ako je donesena odluka suprotna Zakonu, Statutu i pravilnicima Saveza .
- (2) Pravilnik o radu osnivača definiše postupke u primjeni veta na odluke.

Član 30.

(1) Redovnom ili vanrednom Skupštinom rukovdi predsjednik Skupštine, a u slučaju odsustva predsjednika Skupštinom predsjedava Potpredsjednik Skupštine, a u slučaju njegovog odsustva Skupštinom predsjedava po ovlaštenju član Upravnog odbora. Izbor za predsjednika i potpredsjednika Skupštine se vrši tajnim glasanjem.

Predsjednik Skupštine:

- Saziva i predsjedava sjednicama Skupštine,
- Koordinira rad na ostvarivanju zaključaka, stavova i odluka Skupštine,
- Odgovoran je za zakonitost rada Skupštine i za provođenje opštih i posebnih akata.

- (2) Druge odluke donose se aklamacijom sve dok Skupština ne odluči drugačije.
- (3) Nije dopušteno davanje punomoći za glasanje.
- (4) Da bi bio izabran kandidat mora dobiti prostu većinu izraženih glasova.
- (5) Uzdržani glasovi, nevažeći listići ili drugi neprihvatljivi načini glasanja neće se uzeti u obzir.

2. Upravni odbor

Član 31.

Upravni odbor je izvršno tijelo koje između zasjedanja skupštine upravlja i vodi poslove Saveza. Upravni odbor ima Predsjednika i 6 (šest) članova.

Članove Upravnog odbora bira i razrješava Skupština Saveza.

Mandat članova Upravnog odbora traje 4 (četiri) godine sa mogućnošću reizbora.

Upravni odbor se sastaje najmanje 4 (četiri) puta godišnje.

Dnevni red predlaže predsjednik Upravnog odbora.

Kvorum za održavanje sjednice Upravnog odbora je nadpolovična većina svih članova Upravnog odbora.

Upravni odbor donosi odluke nadpolovičnom većinom ukupnog broja članova Upravnog odbora.

Predsjednik Upravnog odbora saziva sjednice Upravnog odbora i istim predsjedava.

Pored članova Upravnog odbora, sjednicama mogu prisustvovati i druge osobe koje su vezane za realizaciju određenih zadataka, ali bez prava odlučivanja.

Predsjednik Upravnog odbora Saveza je ujedno i Predsjednik Saveza.

Član 32.

Upravni odbor Saveza obavlja sljedeće poslove:

- priprema nacrt Statuta, njegove izmjene i dopune i druge akte, koje usvaja Skupština;
- provodi utvrđenu politiku, zaključke i druge odluke koje je donijela Skupština;
- upravlja imovinom Saveza;
- utvrđuje i predlaže finansijski plan za ostvarivanje, korištenje i raspolaganje sredstvima Saveza, koji usvaja Skupština;
- daje prijedloge, mišljenja i inicijative za ostvarivanje ciljeva i djelatnosti Saveza;
- podnosi godišnji i periodični izvještaj o svom radu Skupštini na razmatranje i usvajanje;
- obrazuje komisije, odbore i stručne timove radi realizacije postavljenih ciljeva i djelatnosti Saveza;
- utvrđuje godišnji i polugodišnji obračun o izvršenju plana prihoda i rashoda Saveza;
- poduzima mjere i aktivnosti na ostvarivanju programa rada Saveza;
- priprema sjednice Skupštine;
- priprema analize, informacije i druge materijale za Skupštinu;
- realizuje provedbu finansijskog plana rada Saveza i donosi odluke o upotrebi sredstava;
- donosi odluku o isključenju članova iz Udruženja u prvom stupnju;
- obavlja i druge poslove u skladu sa Zakonom i ovim Statutom ili ukoliko to odredi Skupština Saveza.

Član 33.

Upravni odbor i svaki njegov član pojedinačno su odgovorni za svoj rad Skupštini Saveza.

Član 34.

Članovi Upravnog odbora mogu biti opozvani i prije isteka mandata na koje su izabrani i to:

- na sopsteni zahtjev;
- ako ne prisustvuju sjednicama tri puta uzastopno, bez opravdanih razloga;
- ako svojim radnjama u vezi sa radom Upravnog odbora ruše ugled Saveza;
- u drugim slučajevima predviđenim Zakonom, ovim Statutom i aktima Saveza.

O opozivu člana Upravnog odbora odlučuje Skupština, natpolovičnom većinom glasova prisutnih članova Skupštine.

Član 35

a) Predsjednik Upravnog odbora:

- predsjedava i rukovodi sjednicama Upravnog odbora Saveza,
- predstavlja i zastupa Savez,
- potpisuje normativne akte, odluke, ugovore koje donosi Upravni odbor Saveza,
- odgovoran je za izvršenje zaključaka i odluka Skupštine i Upravnog odbora Saveza, te za pravilno i zakonsko provođenje istih,
- predlaže Skupštini, članove Upravnog odbora Saveza,
- odgovoran je za finansijsko poslovanje Saveza, i u skladu sa finansijskim planom prihoda i rashoda odobrava i potpisuje finansijske naloge i odluke,
- obavlja i druge poslove koji su mu dati na osnovu zaključaka Skupštine ili Upravnog odbora, u skladu sa Zakonom i ovim Statutom.

b) Potpredsjednik Upravnog odbora

- zadužen za entitetsku saradnju Saveza
- zamjenjuje Predsjednika u njegovom odsustvu

Ostali članovi Upravnog odbora

- c) član UO – direktor, zadužen za resor opštih, stručnih i zajedničkih poslova saveza,
- d) član UO – direktor sekcije za sportski ples i formacije,
- e) član UO – direktor sekcije za moderni ples,
- f) član UO – direktor sekcije za akrobatski rokenrol
- g) član UO - direktor sekcije za rekreaciju i školski program

Svaki član Upravnog odbora mora biti predložen od strane dvije sekcije Saveza . U slučaju da ti uslovi nisu zadovoljeni, on odmah gubi status kandidata za Upravni odbor.

Svaki kandidat za člana Upravnog odbora potvrđuje volju za prihvatanje funkcije člana ovog tijela pred Skupštinom.

Član 36.

(1) Upravni odbor sastaje se u pravilu jedanput tromjesečno, a po potrebi i češće. Sjednicu saziva i njom predsjedava Predsjednik. Na zahtjev 3 (tri) člana, Predsjednik može sazvati sjednicu Upravnog odbora u roku od 10 dana.

(2) Dnevni red dostavlja se članovima Upravnog odbora najmanje 7 (sedam) dana prije sjednice, od strane Predsjednika UO.

Član 37.

(1) Upravni odbor ima kvorum kada sjednici prisustvuje 5 (pet) članova UO

(2) U slučaju da Upravni odbor nema kvorum, utvrđen u stavu 1. ovoga člana , naredna sjednica zakazuje se u roku od 8 (osam) dana, sa istim dnevnim redom

(3) U trećem sazivu sjednice Upravni odbor ima kvorum proste većine

Član 38.

(1) Upravni odbor donosi punopravne odluke kada za njih glasa 4 (četiri) člana.

(2) U slučaju jednakog broja glasova odlučuje glas Predsjednika ili predsjedavajućeg.

(3) Upravni odbor donosi odluke samo o onim temama koje su pravovaljano stavljene na dnevni red.

(4) Odluke Upravnog odbora provode se odmah, osim ako Upravni odbor ne odluči drugačije.

(5) Pravo VETA se primjenjuje po osnovu Pravilnika o radu osnivača.

Upravni odbor može, radi efikasnijeg i racionalnijeg izvršavanja svojih poslova i zadataka, posebnom odlukom obrazovati komisije, radna tijela, odbore, stručne timove, sekcije i sl.

Odlukom iz prethodnog stave utvrđuje se sastav, djelokrug, broj članova i način ostvarenja odgovornosti ovih radnih tijela.

Član 39.

Upravni odbor donosi Poslovnik o svom radu.

Poslovníkom će se detaljno urediti prava, obaveze i odgovornosti, način rada, glasanja i donošenja odluka Upravnog odbora.

Član 40.

(1) Upravni odbor može suspendovati jednog od svojih članova do održavanja sljedeće Skupštine, ako se dokaže da je kriv za teške propuste u obavljanju svojih zadataka ili da je neispravno postupio. Konačnu odluku donosi Skupština.

(2) Upravni odbor može suspendovati ili isključiti iz funkcija članove komisija, te im imenovati zamjenu za preostalo trajanje mandata.

(3) Odluke o suspenziji i isključenju mogu se donijeti ako ih podrže 4 (četiri) člana Upravnog odbora, odnosno delegati Skupštine u skladu sa odredbama člana 29 stav 1.tačka i. ovog Statuta .

(4) Članovi na koje se odluke odnose imaju pravo učestvovati u raspravi ali nemaju pravo glasa.

3. Predsjednik Saveza

Član 41.

Savez ima Predsjednika Saveza, kojeg imenuje i razrješava Skupština, na mandatni period od 4 (četiri) godine, sa mogućnošću reizbora.

Predsjednik Saveza za svoj rad je odgovoran Skupštini Saveza.

Predsjednik Saveza je ujedno i predsjednik Upravnog odbora Saveza.

Član 42.

Predsjednik Saveza ima sljedeća prava, dužnosti i odgovornosti:

- zastupa Savez u pravnom prometu;
- rukovodi radom Saveza i organizira rad;
- odgovoran je za zakonitost rada Saveza;
- odlučuju o upotrebi sredstava za realizaciju ciljeva i djelatnosti Saveza;
- naredbodavac je u izvršenju finansijskog plana Saveza;
- stara se o izvršenju odluka, zadataka i zaključaka Skupštine i Upravnog odbora Saveza;
- podnosi izvještaj o radu Skupštini;
- priprema i predlaže nacrt budžeta za rad Saveza, Upravnom odboru i Skupštini;
- stara se o pravilnom korištenju imovine Saveza o urednom obavljanju materijalno finansijskog poslovanja, zakonitom i blagovremenom vršenju stručnih i administrativnih poslova;
- koordinira rad organa Saveza i donosi odluke o pitanjima rada Saveza, osim onih koji su u isključivoj nadležnosti Skupštine i Upravnog odbora Saveza;
- obavlja i druge poslove koje mu je povjerila Skupština Saveza

Predsjednik Saveza može biti opozvan i prije isteka vremena na koji je izabran i to:

- na sopstveni zahtjev;

- ako ne obavlja pravilno poslove predsjednika Saveza,
- ako svojim radnjama nanosi i ruši ugled Saveza, i
- drugim slučajevima predviđenim Zakonom, ovim Statutom i aktima Saveza

VIII KOMISIJE I RADNA TIJELA

Član 43.

(1) Stalne komisije su:

- a.) Tehnička komisija- komesar takmičenja,
- c.) Disciplinska komisija
- d.) Revizorska (finansijska) komisija
- e.) Stručna komisija

(2) Upravni odbor može po potrebi osnivati nove stalne ili ad hoc komisije radi rješavanja posebnih pitanja.

(3) Svaka komisija ograničena je na najviše 3 (tri) člana uključujući i Predsjednika .

(4) Predsjednika komisije, na prijedlog dva član komisije, može razriješiti Upravni odbor.

(5) Kvorum je postignut kada je prisutna natpolovična većina od ukupnog broja članova komisije.

(6) Komisija donosi odluke prostom većinom izraženih glasova.

Član 44.

(1) Predsjednika i članove svake stalne i ad hoc. komisije imenuje Upravni odbor na mandat u trajanju od 4 godine, uz mogućnost ponovnog izbora.

Član 45.

(1) Predsjednik predstavlja komisiju. Predsjednik je odgovoran da komisija obavlja svoje poslove i da o tome redovno informiše Upravni odbor putem blagovremenog dostavljanja zapisnika sa sjednica Upravnom odboru.

(2) Prava, nadležnosti i način rada komisija utvrđuje se poslovnica o radu komisija.

IX PRIHODI I IMOVINA

Član 46.

Prihodi Saveza su:

- članarine
- dobrovoljni priloz i pokloni fizičkih i pravnih lica, kako stranih, tako i domaćih u gotovini, uslugama ili imovini bilo koje vrste,
- prihodi od kamata, dividendi, dobiti od kapitala, zakupnina, honorara i sličnih izvora pasivnih prihoda,

- državne subvencije i ugovori sa državom, javnim institucijama, fizičkim i pravnim licima kako domaćim tako i inostranim;
- prihod stečen kroz ostvarivanje ciljeva i aktivnosti Saveza,
- iz drugih zakonom dozvoljenih izvora.

Član 47.

Ostvarivanje, korištenje i raspolaganje sredstvima Saveza utvrđuje se finansijskim planom kojeg donosi Skupština na prijedlog Upravnog odbora Saveza.

O korištenju sredstava, u skladu sa finansijskim planom odlučuje Upravni odbor Saveza.

Član 48.

Nadzor nad korištenjem sredstava vrši Skupština Saveza.

Skupština je nadležna za kontrolu svih dokumenata, koji se odnose na finansijsko poslovanje, posebno periodičnih, polugodišnjih i završnih finansijskih izvještaja.

Finansijski izvještaj Saveza je dužno čuvati najmanje pet godina, osim ako posebnim propisom nije utvrđen duži period čuvanja.

Dokumenti iz prethodnog stava Skupština razmatra na redovnoj godišnjoj, a ako je potrebno i vanrednoj sjednici Skupštine te iste podnosi nadležnim organima u skladu sa Zakonom i drugim propisima i ovim Statutom.

Savez je dužan da uredno vodi poslovne knjige u skladu sa opšte prihvaćenim računovodstvenim principima i da sastavlja finansijske izvještaje u skladu sa relevantnim

Potpisnici transakcijskog računa a su Predsjednik i lice po ovlaštenju.

Član 49.

(1) Sredstva koja su prihod mogu se koristiti isključivo za razvoj plesa, a u skladu sa ciljevima i zadacima sekcija. Plan trošenja sredstava po osnovu prijedloga sekcija usvaja u prijedlogu UO a u konačnom skupština.

(2) Finansijska sredstva koriste se za realizaciju:

- redovno poslovanje saveza i potreba njenih sekcija,
- izmirenje troškova puta i dnevnica za sjednice Upravnog odbora, skupštine i te članova komisija,
- nabavke materijalno-tehničkih sredstava,
- nabavke programa za obradu podataka na računaru,
- i ostalih tekućih potreba (web stranica, kancelarijski materijal, nagrade i dr),

X JAVNOST RADA

Član 50.

Rad Saveza je javan. Javnost rada ostvaruje se neposrednim informisanjem i putem sredstava javnog informisanja za značajnije aktivnosti.

Svim članovima omogućit će se neometan uvid u obavljanje aktivnosti na svim područjima na kojima djeluje ovaj Savez, kao i planiranje daljnjih aktivnosti.

Savez mora učiniti dostupnim javnosti sve informacije koje se tiču rada i djelovanja Saveza, u skladu s pozitivnim zakonodavstvom.

XI POSTUPAK ZA IZMJENU I DOPUNU STATUTA

Član 51.

Skupština je nadležna za donošenje Statuta, izmjene i dopune Statuta i drugih općih akata određenih Statutom.

Izmjene i dopune Statuta Saveza usvaja Skupština, dvotrećinskom većinom glasova ukupnog broja prisutnih članova.

Inicijativu za izmjene i dopune Statuta može podnijeti 2/3 stalnih članova Saveza.

Inicijativu se upućuje Upravnom odboru Saveza koji priprema tekst nacрта za izmjene i dopune Statuta.

Član 52:

Savez može pored Statuta imati i druga opća akta.

Organi Saveza donose opće akte Saveza pravilnike, poslovnike i odluke koji moraju biti u saglasnosti sa Zakonom i ovim Statutom.

XII SPAJANJE, PODJELA I PRESTANAK RADA SAVEZA

Član 53.

Savez se može spojiti u drugo udruženje ili Savez i podijeliti u skladu sa Zakonom.

Odluku iz prethodnog stava donosi Skupština 2/3 (dvotrećinskom) većinom prisutnih članova Skupštine Saveza.

Ovom odlukom regulira se naročito: naziv, sjedište, djelatnost, podjela imovine, prava i obaveze kao i druga pitanja u vezi statusnih promjena Saveza

Član 54.

Savez može prestati sa radom dobrovoljno na osnovu odluke Skupštine ili po sili zakona.

Inicijativu za prestanak rada Saveza može dati 1/3 stalnih članova Saveza, u slučaju:

- ako je proteklo dvostruko više vremena od vremena za održavanje Skupštine utvrđenog ovim statutom , a Skupština Saveza nije održana,
- da se broj članova Saveza smanji ispod broja tri, a nadležni organ Saveza u roku od tri mjeseca od nastupanja ove okolnosti ne donese odluku o prijemu novih članova Saveza.

Odluku o dobrovoljnom prestanku rada donosi Skupština Saveza dvotrećinskom većinom članova Skupštine Saveza.

Istovremeno Skupština donosi plan likvidacije Saveza , kojim se utvrđuje raspored imovine, prava i obaveze Saveza u skladu sa Zakonom i ovim statutom, s tim što je prethodno obavezno izmiriti zakonske i ugovorne obaveze.

Skupština imenuje likvidatora Saveza čija dužnost je da sastavi Plan likvidacije i isti dostavi Skupštini na usvajanje.

Preostala imovina, nakon podmirenja obaveza iz prethodnog stava, će se dodijeliti drugom Savezu, koje obavlja istu ili sličnu statutarnu djelatnost, a na osnovu odluke Skupštine Saveza.

Član 55.

Savez prestaje sa radom po sili Zakona u skladu sa članom 50. i 51. Zakona.

XIII ZASTUPANJE

Član 56

Savez zastupaju u pravnom prometu Predsjednik Saveza i drugi članovi Upravnog odbora Saveza, u okviru ovlaštenja utvrđenim ovim Statutom i zakonom.

Član 57.

U postupcima u kojima Savez sudjeluje kao stranka radi ostvarivanja svojih prava, dužnosti i odgovornosti pred nadležnim organima, ovlašteni zastupnici mogu dati pismenu punomoć advokatu za zastupanje ili drugoj stručnoj osobi.

XIV UREDI I DRUGI ORGANIZACIONI OBLICI

Član 58.

Radi realizacije programskih ciljeva i djelatnosti Saveza, izvan sjedišta Saveza mogu se formirati uredi i drugi organizacioni oblici na cijelom području Bosne i Hercegovine. Odluku o otvaranju ureda i drugih organizacionih oblika donosi Skupština Saveza. Organizacioni oblici iz stava 1. ovog člana nemaju svojstvo pravnog lica.

XV PRIZNANJA I NAGRADE

Član 59.

Savez može dodjeljivati priznanja i nagrade. Odluku o dodjeljivanju priznanja i nagrada donosi Skupština Saveza, na prijedlog predsjednika Saveza.

Član 60..

Članovi Saveza nadziru rad Saveza. Ako se utvrde nepravilnosti u provođenju Statuta Saveza, član Saveza dužan je na to upozoriti Skupštinu. Ako se upozorenje ne razmotri na sjednici Skupštine u roku od 30 dana od dana dostavljenog pismenog upozorenja i nepravilnosti ne otklone, može se podnijeti tužba nadležnom sudu, u skladu s članom 15. stav (3) Zakona.

XVI ZAVRŠNE ODREDBE**Član 61..**

Tumačenje odredbi ovog statuta daje Skupština Saveza.

Član 62.

Ovaj Statut stupa na snagu danom donošenja.



Predsjednik Osnivačke Skupštine Saveza:

Branko Savanović

Broj: 03//2017

Datum: 03.01.2017.godine.